

sasalahgan rali'

yuyuk min ci kaca, ba' minak sunbale' malahang ci sasalahgan min.
ana' ungat ka tensu' tataxan rali', ini' inakung ka karal naga, ini' min usa'
morow. as ka nanu' sipalawa' na nabkis ga, kaca ka masugagiy min la.
masin payux ka sasalahgan min rali'. cel kutux ka sun min "cintong".
sikehul ci ramagal baling, ramagal baling hani ga pacin cacka' kutux, parat
baling ga maki' anali', il, bawi' lu yahu' na cacka' baling ki. pasal salahaw
ga, magal ci citong saringun cacka' pacacungus pusa' cika ututux baling.
moka ini' karuk baling ka cintong ga, kaca ka ini' katna' la. maruk baling
karirex ka cintong ga, payux nak la inagal cintong. abas payux ka ci'uli'
palibu' sunanangi' hita' cini be'an tikiy ci cintong ma! bale' nak yona
pasamaha' ka ini' bi' uri. giyona maha arat mamu pasangla' kinang!

kelan ka sun kulabuy bininiy sasalahgan cunbu' uri. kelan na ramas
taxan pintasan. pasalawah ga, bali'un patakaluw pacin rik kutux ka sun
absuran ni. lu macacapung na aba' maha' "a'atak, urati', kulabuy". moka
ini' bi' ga, kaca ka pasal cunbu' cika kulabuy hani. habaraw ka ci'uli'
mingaha' maha, "kinhaprow! kinhapro!" lon cunbu' ka absuran ni' laga,
hiyan kora' ka ramas taxan na kulabuy la. pastapok sun min kani.

"takeru' limuk" sunkakaru' carung salahgan uri. ya maha hari
malaprow nanu mapusal ci'uli' salahaw. utux ci'uli' ka pagilasuw ci
limuk, kilkahan tuhya' ka limuk hang, lu nahari' tuling maha usa' saca isu'!
maha' cu sani kung! ma makakaral ka pasalawah. as ka lon kora' ka wal
tuling. kaca ka yumunaw gunlasuw ci limuk ka ci'uli'. ruma', ini' ulu' ci
tinla'ing laga, masang ini' salahaw la! arat ga mangilis magiy morow.
arat nanak kani, salahaw min ci gomu' uri. rasiluw ci marumul ka
gomu' haca, pababahlan ci unrurux na sinyuw. sa'ing ka pahuluy, saringun
tari' humuluy nanu' tunux, moka ini' tehuk mastaril ga, kaca ka musa'
humuluy ci gomu' la. ruma' nak ga tasruti' pintarilan, as taxi maha pak!
matakur. ini' kasa alagiy! kelan kutux ka utux nanak na awas ka alang min
uri. yonani pawasan ka awas hani " a ne ko ne ko, sang he cu la cu la yo no
pa! " minlu' min mpasalahaw ci anaamol ga, awas hani ka pawasan min,
paturingun mawas ka pasalawah, tehuk ki ka yono pa! la ga, kaca ka ini'
katna' la. sungkaku' carung.

115 年全國語文競賽臺灣原住民族語言朗讀文章 【萬大泰雅語】 國小學生組 編號 4 號

童玩

「玩」是童年文化的主要構成要素，而「童玩」則是童年生活的文化載體與智慧結晶。每個年代都有獨特的風味，不僅意味著社會轉型、政經發展、環境變遷的腳步，也代表各時期生活藝術之美。

回顧部落早期，孩童具有細膩的觀察力和純樸的創造力，善用生活週遭素材張羅童玩，發揮天馬行空想像力創造各式玩具，使遊戲更有趣，童年生活更精彩。打彈珠、玩紙牌、跳橡皮筋和踢罐子鬼抓人都是部落孩子們最喜歡的團體遊戲。